

# CANTIC

## AN OTRO SANT ROCH

Voar ion Sant TANGUY à Santès EODETTE.

### 1.

Cannomp gant melodi, cannomp gant joaüsdet  
Eur hantic neve flam bars en gloar an Drindet,  
En enor da sant Roch, servijer da Zoue,  
En deus evit partaj rouanteles an êe.

### 2.

En eur hartier a Franç, er guer a Languedoc,  
A dut a ligne vad eze ganet sant Roch.  
E dad oa hanod Yan, e vam a voa Tiber,  
A re o demeureans er guer a Vonpeller.

### 3.

Sant Roch ne heuille quiet en pad e yaouanquis  
An dans ac an ébat, evel ma man ar his;  
Occuped de a nos gant Doue er beden,  
O castian e gorf gant yun a pinijen.

### 4.

Goude maro e dad e voersas e voyen,  
Ac e tistribuas an harhant d'ar beoyen;  
Neuze gousquet en paour e quemer pén an hent,  
En eur laret adieu de vro a de guèrent,

### 5.

Evit monet da Rom da ober e beden,  
Voar be an ebestel, a re ar verzerrien.  
Pa arias en Rom en eur laquas raetal  
Da serviji an dut elan ebars en ospital.

18  
6.

Eur vocen araget aré en amzer-man  
Ravaj ar guer a Rom ac er herrio nissan;  
Sant Roch dre zin ar groas eb remet al abet  
A oëllaé tut clan ac a re ar yehet.

7.

Houi a zo admirabl, ma Jesus, ma otro,  
Dreizoch e teu ar sent da ober miraclo;  
Groed eur memeus miracl en andret on ine :  
Reit ar yehet don horf a ners don harante.

8.

Doe a bermetas ma vije afflijet  
E servijer fidel ive gand ar hlevet;  
Ouspen an derrien dom evit lavaret guir  
Evorzet voë treuzet ive gant eun ten pirr.

9.

Goude bean groet yach e quomeras ezin  
Evit distrein de vro en guis deur pelerin,  
Mes chom a eure clan en eur hoat estranjour  
Elech na guese den da rein dean sicour.

10.

Setu aze penos eo tretet gant Doue  
Are pere e deus vitan gouir garante;  
Mes qui un dezentil a hane deus ar vro  
A digasse dean bara ene heno.

11.

Doe en deus soufret nombr bras a soufranso  
Azo evidomp oll antreet en envo.  
Ma Doue, houi so mad, houi so carantezus,  
Na servijin biquen nemerdoch, ma Jesus.

12.

Bras eo, o ma Doue, bras eo o providans !  
Me a laqou enoc'h ive ma oll fiars.  
Erfin dre gals a boan a dre gals a viser  
En eum rentas er guer demeus a Vompellier.

13.

Mes commèret evoe. evit un espion,  
Ma oë laquet ractal ebars en eur prison.  
Sant Roch so inosant ac a so prisoniet,  
Laquet er bassefos eb bean meritet.

14.

A me, o ma Jesus! corrompet a behet,  
Ne fell din souffr netra gant guir basiantet.  
Gourveet voar ar plous, guisquet fal dierhent,  
Sant Roch ne lavar guir na da zen ne neum glem.

15.

Chom a ra er guisse pemp bla en e brison  
Eb cavet diant den neb consolation;  
En obstant de ol boan en eur gaf hoas ouspen  
Da vean afflijet ive gant ar vossen.

16.

Santout a re e voa ari tost d'an termen  
Ma haze da receo en env e guruben,  
Da vont da finisan e dourmancho griec,  
Da gafout eur bonheur na ne finisso quet.

17.

Quent couitat ar bet-man ebars en e brison  
E heure e beden da Doue a galon  
Evit a re pere a vije afflijet  
Gant clevejo estranj a danjêrus meurbet.

18.

Diganec'h e houllan, ma Jesus souveren,  
Evit are vo clan gand slug ac ar vossen,  
Ma defo soulajamant en o affliction  
Pa deuont d'am pedin deus a greis o halon.

19.

Mervoël a ra neuse evel ma varv ar sent,  
Er blaoës trizec cant da seis bla voarnugent;  
E ine evurus a voe gant joaustet  
Douget gant an ele da veulin an Drindet.

20.

Goude ma va maro e voe anaveet,  
Dre eur groas a oa voar e gorf inprimet;  
An ol bian a bras a rent dean neuse  
An enor na renter quet memes d'ar rouane.

21.

Deus e gorf presius nep a ellai tostadur  
Da guemer relego ac ive e ziliat;  
Guir eo, o ma Jesus, ar pes o heus laret,  
Neb a neum izelayo a vezo uellet.

22.

Canomp, gant joaustet, canomp gant meulodi  
Da Doue, da sant Roch a d'ar Verhes Vari,  
Na ne sessomp james o veuli an Drindet;  
Ennes eo guir deveur an ol gatoliquet.

23.

Pedomp ol ar sant-man demeus a vouir galon  
Ma tevio don sicour e on affliction;  
Bras eo e buissans en quefer un Doue  
Ma rag yehet don horf a ive don ine.

*Propriété de l'auteur.*

R. P.

FIN.

---

Lanhuon, intanvez Ar Goffik, mouler.